

Fundacion Respeta Bida semper corda, kier a extende un gradicimento di curason

FUNDACION Respeta Bida...Semper Corda kier a extende un gradicimento di curason na tur e instancianan Gubernamental, den particular e Ministerio di Asunto General, e Ministerio di Husticia y Educacion, e Ministerio di Asuntonan Economico, Asuntonan Social y Cultura, e Ministerio di Integracion, Infraestructura y Medio Ambiente, corporacionnan, banconan, hotelnan, aerolineanan, directornan di tiendanan, agencianan, muchanan di scol y sobre todo, e hendenan di Aruba. Boso a duna boluntariamente di bo tempo, a duna bo esfuersonan, a duna nos sosten financiero generoso y encurashamento personal, haciendo e posibel pa nos por realiza nos prome proyecto, esta e estatua di Anne Frank na Wilhelmina Park, den e curason di Oranjestad. E estatua di Anne lo recorda futuro generacionnan pa preserva nan libertad y semper respeta e derechonan di otro hende. E lo ta un catalista pa tolerancia y un compasion mas grandi. Na tur di boso cu a habri boso curasonnan na e proyecto aki, y den haci esaki, a toca esunnan di nos.

